



**Q**uirit autem Maria: Ecce ancilla Domini, fiat mihi secundum verbum tuum.



## Proprium de Tempore.

### Paras Hiemalis.

#### SABBATO

ANTE DOM. I. ADVENT.

AD VESPERAS.

**Capitulum.** Rom. xiiij. d

**R**atres, Hora est jam nos de somno surgere: nunc enim propior est nostra salus, quam cum credidimus.

**R.** Deo gratias.

**Sic semper respondetur in fine omnium Capitul.**

**Hymnus.**

**C**reátor alme siderum,  
Æterna lux credentium,  
Jesu Redemptor omnium,  
Intende votis supplicum.

**Q**ui dæmonis ne fraudibus

Periret orbis, impetu  
Amoris actus, languidi  
Mundi medela factus es.

**Commune qui mundi nefas**

Ut expiâres; ad crucem  
E Virginis sacrario  
Intacta prodix victima.

**C**ujus potestas gloriæ,  
Noménque cum primum  
sonat;

Et Cœlites, et inferi  
Treménte curvántur genu.

**T**e deprecámur últimæ  
Magnum diéi Júdicem;  
Armis supérnæ grátie  
Defénde nos ab hóstibus.

**V**irtus, honor, laus, glória

Deo Patri cum Filio,  
Sancto simul Paráclito,  
In sæculórum sæcula.

Amen.

**V.** Roráte cœli désuper,  
et nubes pluant justum.

**R.** Aperiatúr terra, et gérminet Salvatórem.



Ad Magnif. Aña. Ecce nomen Dómini \* venit de longínquo, et cláritas ejus replet orbem terrárum.

**Oratio.**

**E**Xcita, quæsumus Dómine, poténtiam tuam, et veni : ut ab imminéntibus peccatórum nostrórum perículis, te mereámur protegénte éripi, te liberánte salvári. Qui vis et regnas cum Deo Patre in unitáte Spíritus sancti Deus : per ómnia sæcula sæculórum.

℟. Amen.

Commemorationes seu Suffragia Sanctorum non fiunt per totum Adventum, etiam in Officio de Sanctis : nec de Cruce in feriali Officio.

In Adventu non fit de Festo, nisi fuerit Duplex vel Semiduplex. Quod si occurrat in Dominica, de eo fit tantum Commem. in utrisque Vesperis et Laudibus : Festum autem majus vel alicujus Doctoris Ecclesiæ transfertur in primam diem duplici vel semiduplici Festo non impeditam. De Simplici quoque fit tantum Commemoratio, ut in Rubricis generalibus.

DOMIN. I. ADVENTUS.  
AD MATUTINUM.

**Invitat.** Regem ventúrum Dóminum, \* Veníte adorémus. **Ps.** Veníte. 2.  
**Hymnus.** Verbum supernum. 4.

**In I. Nocturno.**

Aña et Psalmi ut in Psalterio. 4.

Post ℞. in quolibet Nocturno dicitur Pater noster.

Deinde Absolutiones et Benedictiones ut in Psalt. Benedictiones vero in Officio de Sanctis, de S. Maria, vel trium Lectionum habentur ante initium Psalterii.

Incipit liber Isaíæ  
Prophætæ.

**Lectio j.**

**Cap. j.**

**I**sio Isaíæ filii Amos, quam vidit super Judam et Jerúsalem in diébus Ozíæ, Jóathan, Achaz, et Ezechíæ, regum Juda. Audíte cœli, et áuribus pécipe terra, quóniam Dóminus locútus est : Fílios enutriví, et exaltávi : ipsi autem spreverunt me. Cognóvit bos possessórem suum, et ásinus præsepe dómni sui : Israel autem me non cognóvit, et pópulus meus

non intelléxit. ¶ Tu autem Dómine miserére nobis. ℟. Deo grátias.

**Sic semper terminantur Lectiones, nisi aliter signetur.**

℟. Aspiciens a longe, ecce vídeo Dei poténtiam veniéntem, et nébulam totam terram tegéntem. \* Ite óbviám ei, et dícite : \* Núntia nobis, si tu es ipse. \* Qui regnatúrus es in pópulo Israel. ℞. Quique terrigenæ, et fílii hóminum, simul in unum dives et pauper. — Ite óbviám ei, et dícite. ℞. Qui regis Israel, inténde, qui dedúcis velut ovem Joseph. — Núntia nobis, si tu es ipse. ℞. Tólite portas príncipes vestras, et elevámini portæ æternáles, et introíbit Rex glóriæ. — Qui regnatúrus es in pópulo Israel. ℞. Glória Patri, et Fílio, et Spíritui sancto. **Deinde repetitur** ℟. Aspiciens a longe, usque ad ℞. Quique terrigenæ.

Hoc ℟. non dicitur per Hebdom. sed ejus loco dicitur ℟. primum Feriæ ij. sequentis.

**Lectio ij.**

**V**Æ genti peccatríci, pópulo gravi iniquitáte, sémini nequam, fíliis

scelerátis : dereliquerunt Dóminum, blasphemaverunt sanctum Israel, ab alienáti sunt retrórsus. Super quo percútiám vos ultra, addéntes prævaricatióne? Omne caput lánguidum, et omne cor mœrens. A planta pedis usque ad vérticem non est in eo sánitas : vulnus, et livor, et plaga tumens non est circumligáta, nec curáta medicámine, neque fota óleo.

℟. Aspiciébam in visu noctis, et ecce in núbibus cœli Fílius hóminis veniébatur : et datum est ei regnum, et honor : \* Et omnis pópulus, tribus, et linguæ sérvient ei. ℞. Potéstas ejus, potéstas æterna, quæ non auferétur : et regnum ejus, quod non corrumpétur. — Et omnis.

**Lectio iij.**

**T**erra vestra desérta, civitátes vestræ succénsæ igni : regiónem vestram coram vobis aliéni dévorant, et desolábitur sicut in vastitáte hostíli. Et derelinquétur fília Sion ut umbráculum in vinea, et sicut tugúrium in cucumerário, et sicut civitas quæ vastátur. Nisi Dómi-



nus exercituum reliquiset nobis semen, quasi Sódoma fuissémus, et quasi Gomórrha símiles essemus.

**R.** Missus est Gábriel Angelus ad Mariam Virginem desponsátam Joseph, núntians ei verbum: et expavéscit Virgo de lúmine: ne tímeas María, invenisti grátiam apud Dóminum: \* Ecce concípies et páries, et vocábitur Altíssimi Fílius. **V.** Dabit ei Dóminus Deus sedem David patris ejus, et regnábít in domo Jacob in aetérnum. — Ecce. **Glória Patri.** Ecce.

**Sic semper dicitur Glória Patri. in fine ultimi R. cuiuslibet Nocturni, nisi aliter notetur.**

**In II. Nocturno.**

Sermo sancti Leónis Papæ. **Serm. viij. de jejunió decimi mensis et elemosynis.**

**Lectio iii.**

**Q**UM de advéntu regni Dei, et de mundi fine ac témporum, discipulos suos Salvátor instrúeret, totámque Ecclésiám suam in Apóstolis erudíret: Cavéte, inquit, ne forte gra-

véntur corda vestra in crápula, et ebrietáte, et cogitatióibus sæculáribus. Quod útique præcéptum, dilectíssimi, ad nos speciálius pertinére cognóscimus, quibus denuntiátus dies, étiam si est occúltus, non dubitátur esse vicínus.

**R.** Ave María, grátia plena, Dóminus tecum: \* Spiritus sanctus supervéniet in te, et virtus Altíssimi obumbrábit tibi: quod enim ex te nascétur Sanctum, vocábitur Fílius Dei. **V.** Quómodo fiet istud, quóniam virum non cognóscó? et respóndens Angelus dixit ei. — Spiritus.

**Lectio iv.**

**A**D cujus advéntum omnem hóminem cónvenit præparári: ne quem aut ventri deditum, aut curis sæculáribus invéniat implicátum. Quotidiáno enim, dilectíssimi, experiménto probátur, potus satietáte áciem mentis obtúndi, et cibórum nimietáte vigórem cordis hebetári: ita ut delectatió edéndi, étiam córporum contrária sit salúti, nisi rátio temperántiæ obsístat illécebræ, et quod futúrum

est óneri, súbtrahat voluptáti.

**R.** Salvátorem exspectámus Dóminum Jesum Christum, \* Qui reformábit corpus humilitátis nostræ, configurátum córpori claritátis suæ. **V.** Sóbrie, et juste, et pie vivámus in hoc sæculo, exspectántes beátam spem, et advéntum glóriæ magni Dei. — Qui reformábit.

**Lectio vj.**

**Q**UAMVIS enim sine ánima nihil caro desideret, et inde accípiat sensus, unde sumit et motus: ejúsdem tamen est ánima, quædam sibi súbditæ negáre substántiæ, et interióri iudicio ab inconveniéntibus exterióra frenáre: ut a corpóreis cupiditátibus sæpius líbera, in aula mentis possit divínæ vacáre sapiéntiæ: ubi omni strépitu terrenárum silénte curárum, in meditatióibus sanctis, et in deliciis lætétur aetérnis.

**R.** Obsecro Dómine, mitte quem missúrus es: vide afflictiónem pópuli tui: \* Sicut locútus es, veni, \* Et líbera nos. **V.** Qui regis Israel inténde, qui dedicis velut ovem Joseph, qui

sedes super Chérubim. — Sicut. **Glória Patri.** Et líbera.

**In III. Nocturno.**

Léctio sancti Evangélii secúndum Lucam.

**Sic semper præponitur Léctio sancti Evangélii. ante primam Lectionem de Homilia.**

**Lectio viij.**

**Cap. xxj. e**

**I**N illo témpore: Dixit Jesus discipulis suis: Erunt signa in sole, et luna, et stellis, et in terris pressúra géntium. Et réliqua.

Homília sancti Gregórii Papæ.

**Homilia j. in Evangelia.**

**D**ominus ac Redémptor noster parátos nos inveníre desiderans, senescéntem mundum quæ mala sequántur denúntiat, ut nos ab ejus amóre compéscat. Appropinquántem ejus términum quantæ percussiónes prævéniant, innotéscit: ut si Deum metúere in tranquillitáte nólumus, saltem vicínus ejus iudícium vel percussiónibus attrítí timeámus.

**R.** Ecce virgo concípíet, et páriet filium, dicit Dóminus: \* Et vocábitur nomen ejus Admirábilis,



Deus, Fortis. *℟.* Super solum David, et super regnum ejus sedebit in ætèrnum. — Et vocabitur.

*Lectio viij.*

**H**ic etenim lectioni sancti Evangelii, quam modo vestra fraternitas audivit, paulo superius Dominus præmisit, dicens: Exsurgat gens contra gentem, et regnum adversus regnum: et erunt terræ motus magni per loca, et pestilentia, et fames. Et quibusdam interpositis, hoc, quod modo audistis, adjunxit: Erunt signa in sole, et luna, et stellis, et in terris pressura gentium præ confusione sonitus maris, et fluctuum. Ex quibus profecto omnibus alia jam facta cernimus, alia in proximo ventura formidamus.

*℟.* Audite verbum Domini Gentes, et annuntiate illud in finibus terræ: \* Et insulis, quæ procul sunt, dicite: Salvator noster adveniet. *℟.* Annuntiate, et auditum facite: loquimini, et clamate. — Et insulis.

*Lectio ix.*

**N**AM gentem contra gentem exsurgere, earumque pressuram ter-

ris insistere, plus jam in nostris temporibus cernimus, quam in codicibus legimus. Quod terræ motus urbes innumeras obruat, ex aliis mundi partibus scitis quam frequenter audivimus. Pestilentias sine cessatione patimur. Signa vero in sole, et luna, et stellis, adhuc aperte minime vidimus: sed quia et hæc non longe sint, ex ipsa jam æris immutatione colligimus.

*℟.* Ecce dies veniunt, dicit Dominus, et suscitabo David germen justum: et regnabit Rex, et sapiens erit, et faciet judicium et justitiam in terra: \* Et hoc est nomen, quod vocabunt eum: \* Dominus, justus noster. *℟.* In diebus illis salvabitur Juda, et Israel habitabit confidenter. — Et hoc. *Gloria Patri. Dominus.*

*Ab hac Dominica usque ad Nativit. Domini, et a Dominica Septuag. usque ad Pascha, Dominicis diebus dicitur nonum ℟. quia Te Deum. non dicitur, nisi in Festis.*

*AD LAUDES,*

*et per Horas, Añæ.*

*1. In illa die \* stillabunt montes dulcedinem, et*

colles fluent lac et mel, alleluia.

*Psalmi de Laud. Dom. 21. Qui dicuntur in omnibus Dominicis et Festis, nisi aliter notetur.*

*2. Jucundare \* filia Sion, et exsulta satis filia Jerusalem, alleluia.*

*3. Ecce Dominus veniet, \* et omnes sancti ejus cum eo: et erit in die illa lux magna, alleluia.*

*4. Omnes sitièntes \* venite ad aquas: quærite Dominum, dum inveniri potest, alleluia.*

*5. Ecce veniet \* Propheta magnus, et ipse renovabit Jerusalem, alleluia.*

*Capitulum. Rom. xiiij. d*

**F**ratres, Hora est jam nos de somno surgere: nunc enim propior est nostra salus, quam cum credidimus.

*℟.* Deo gratias.

*Hymnus.*

**E**N clara vox redarguit Obscúra quæque, per-sonans: Procul fugentur sòmnia: Ab alto Jesus pròmicat. Mens jam resurgat torpida, Non amplius jacens humi: Sidus refulget jam novum; Ut tollat omne nóxium.

**E**n Agnus ad nos mittitur Laxare gratis debitum: Omnes simul cum lacrymis

Precemur indulgentiam. Ut, cum secundo fulserit, Metuque mundum cinxerit,

Non pro reatu puniat, Sed nos pius tunc protegat.

Virtus, honor, laus, gloria Deo Patri cum Filio, Sancto simul Paraclyto, In sæculorum sæcula.

Amen.

*℟.* Vox clamantis in deserto, Parate viam Domini. *℟.* Rectas facite semitas ejus.

*Ad Benedictus, Añæ. Spiritus sanctus \* in te descendet Maria: ne timeas, habebis in utero Filium Dei, alleluia.*

*Oratio.*

**E**Xcita, quæsumus Domine, potentiam tuam, et veni: ut ab imminèntibus peccatorum nostrorum periculis, te mereamur protegente eripi, te liberante salvari. Qui vivis.

*Ad Primam, Tertiam, Sextam et Nonam, Añæ de Laud. dicuntur per ordinem, quarta prætermissa. Quod etiam servatur*



in aliis Dominicis Adventus.

Ad Primam in *R.* br. loco *V.* Qui sedes. dicitur *V.* Qui venturus es in mundum. Sic dicitur quotidie usque ad Nativit. Domini, etiam in Officio de Sanctis, præterquam in die et infra Octav. Immaculatæ Conceptionis B. Mariæ.

Deinde Kyrie eléison. cum reliq. ut in Psalt. 32.

Ad Absolutionem Capit. Lectio br. Dómine, miserere. 35. quæ dicitur in Dominicis, et Feriis usque ad Vigiliam Nativit. Domini exclusive.

AD TERTIAM.

Aña. Jucundáre.

Capit. Fratres, Hora est. ut supra. 193.

*R.* br. Veni ad liberándum nos, \* Dómine Deus virtútum. Et repetitur. Veni ad liberándum nos, Dómine Deus virtútum. *V.* Osténde fáciem tuam, et salvi érimus. Dómine Deus virtútum. *V.* Glória Patri, et Filio, et Spirítui sancto. Veni ad liberándum nos, Dómine Deus virtútum.

*V.* Timébunt Gentes nomen tuum Dómine. *R.* Et omnes reges terræ glóriam tuam.

Sic repetuntur *VV.* in omnibus *XX.* brevibus Horarum.

AD SEXTAM.

Aña. Ecce Dóminus véniet.

Capitulum. Rom. xiiij. d. **N**OX præcésit, dies autem appropinquávit : abjiciámus ergo ópera tenebrárum, et induámur arma lucis.

*R.* br. Osténde nobis Dómine, \* Misericórdiam tuam. Osténde. *V.* Et salutáre tuum da nobis. Misericórdiam. Glória Patri. Osténde.

*V.* Meménto nostri Dómine in beneplácito pópuli tui. *R.* Visita nos in salutári tuo.

AD NONAM.

Aña. Ecce véniet.

Capitulum. Rom. xiiij. d. **S**icut in die honéste ambulémus, non in comessatióibus et ebrietátibus, non in cubilibus et impudicitiis, non in contentiône et æmulatiône : sed induímur Dóminum Jesum Christum.

*R.* br. Super te Jerúsalem, \* Oriétur Dóminus. Super te. *V.* Et glória ejus in te vidébitur. Oriétur. Glória Patri. Super te.

*V.* Dómine Deus virtú-

tum convérte nos. *R.* Et osténde fáciem tuam, et salvi érimus.

AD VESPERAS.

Aña de Laudibus. 192. Psalmi de Dominica. 150.

Capitul. Fratres, Hora est. et Hymnus. Creátor alme síderum. 187.

*V.* Roráte cœli désuper, et nubes pluant justum. *R.* Aperiátur terra, et gérminet Salvatórem.

Ad Magnif. Aña. Ne tímeas María, \* invenísti enim grátiam apud Dóminum : ecce concípies, et páries filium, allelúia.

Hymni, *VV.* et *XX.* br. hujus Dominicæ dicuntur in aliis Dominicis, et Feriis Adventus.

Post Vesperas diei dicuntur Vesperæ Defunctorum.

FERIA SECUNDA.

AD MATUTINUM.

Invitator. Regem ventúrum Dóminum, \* Veníte adorémus. Ps. Veníte. 2.

Hymnus. Verbum. 4.

Aña et Psalmi Feriæ ij. ut in Psalterio. 53.

De Isaia Prophéta.

Lectio j. Cap. j. d

**A**vámuni, mundi estóte, auférte malum cogitatiónum vestrárum ab óculis meis :

quiéscite ágere pervérse, díscite benefácere : quærite júdicium, subveníte opprésso, júdicáte pupíllo, deféndite víduam. Et vénite, et argúite me, dicit Dóminus : si fúerint peccáta vestra ut cóccinum, quasi nix dealbabúntur : et si fúerint rubra quasi vermículus, velut lana alba erunt.

*R.* Súscipe verbum Virgo María, quod tibi a Dómino per Angelum transmíssum est : concípies et páries Deum páriter et hóminem, \* Ut benedícta dicáris inter omnes mulieres. *V.* Páries quidem filium, et virginitátis non patiéris detriméntum : efficiéris grávida, et eris mater semper intácta. — Ut benedícta.

Lectio ij.

**S**I voluéritis, et audieritis me, bona terræ comedétis. Quod si noluéritis, et me ad iracúndiam provocavéritis, gládus devorábit vos, quia os Dómini locútum est. Quómodo facta est méretrix civitas fidélis, plena júdicii? Justítia habitávit in ea, nunc autem homicidæ. Argéntum tuum versum est in scóriam : vinum



tuum mistum est aqua. Príncipes tui infidéles, sócii furum : omnes díligunt múnera, sequúntur retributiónes. Pupílló non júdicant : et causa víduæ non ingréditur ad illos.

**R.** Læténtur cœli, et exsúltet terra, jubilate montes laudem : quia Dóminus noster véniet, \* Et páuperum suórum miserébitur. **V.** Oriétur in diébus ejus justítia, et abundantia pacis. — Et páuperum.

**Lectio iij.**

**P**ropter hoc ait Dóminus Deus exercítuum fortis Israel : Heu, consolábor super hóstibus meis, et vindicábor de inimicis meis. Et convértam manum meam ad te, et éxcoquam ad purum scóriam tuam, et áuferam omne stannum tuum. Et restítuam júdices tuos ut fuérunt prius, et consiliários tuos sicut antíquitus : post hæc vocáberis civitas justí, urbs fidélis. Sion in júdicio redimétur, et redúcent eam in justítia : et cónteret sceléstos, et peccatóres simul : et qui dereliquerunt Dóminum consuméntur.

**R.** Aliéni non transíbunt per Jerúsalem ámplius :

\* Nam in illa die stillábunt montes dulcédinem, et colles fluent lac et mel, dicit Dóminus. **V.** Deus a Líbano véniet, et sanctus de monte umbróso et condénso. — Nam. Glória Patri. Nam.

**AD LAUDES.**

**Añæ et Psalmi ut in Psalterio. 66.**

**Capit.** Veníte, et ascendámus. **et Hymn.** En clara vox. **ibidem. 70.**

**V.** Vox clamántis in deserto, Paráte viam Dómini. **R.** Rectas fácite sémitas ejus.

**Ad Bened. Aña.** Angelus Dómini \* nuntiávit Mariæ, et concépit de Spirítu sancto, allelúia.

**In feriali Officio per Adventum, dicuntur Preces ut in Psalterio. 72.**

**Oratio.**

**E**Xcita, quæsumus Dómine, poténtiam tuam, et veni : ut ab imminéntibus peccatórum nostrórum periculis, te mereámur protegénte éripi, te liberánte salvári. Qui vivis.

**Oratio Dominicæ præteritæ semper dicitur per Hebdomadam in feriali Officio, quando propria non assignatur.**

**Hodie dicitur Officium Defunctorum.**

**Ad Horas Añæ de Laud. Dominicæ præcedentis.**

**Capitula, R. et alia ut in Psalterio, nisi quod in R. brevi ad Primam dic. V.** Qui ventúrus es in mundum.

**AD VESPERAS.**

**Añæ et Psalmi de Psalterio. 154.**

**Capit.** Non auferétur. **et Hymn.** Creátor. **ibid. 156.**

**V.** Rorate cœli désuper et nubes pluant justum. **R.** Aperiátur terra, et gérmínet Salvatórem.

**Ad Magnif. Aña.** Leva Jerúsalem \* óculos tuos, et vide poténtiam Regis : ecce Salvátor venit sólvere te a vínculo.

**Deinde Preces ut in Psalterio, 157. et Oratio Dominicæ præcedentis.**

**Capitula prædicta dicuntur in feriali Officio usque ad Vigiliam Nativitatis Domini exclusive.**

**FERIA TERTIA.**

De Isaía Prophéta.

**Lectio j.**



**E**rbum, quod vidit Isaías, filius Amos, super Juda et Jerúsalem. Et erit in novissimis diébus præparátus

**Cap. ij.**

mons domus Dómini in vértice móntium, et elevábitur super colles, et fluent ad eum omnes gentes. Et íbunt pópuli multi, et dicent : Veníte et ascendámus ad montem Dómini, et ad domum Dei Jacob, et docébit nos vias suas, et ambulábimus in sémitis ejus : quia de Sion exíbit lex, et verbum Dómini de Jerúsalem.

**R.** Montes Israel ramos vestros expándite, et floréte, et fructus fácite : \* Prope est ut véniat dies Dómini. **V.** Rorate cœli désuper, et nubes pluant justum : aperiátur terra, et gérmínet Salvatórem. — Prope.

**Lectio ij.**

**E**T judicábit Gentes, et árguet pópulos multos : et conslábunt gládios suos in vómeres, et lanceas suas in falces : non levábit gens contra gentem gládium, nec exercebúntur ultra ad prælium. Domus Jacob vénite, et ambulémus in lúmine Dómini. Projecísti enim pópulum tuum, domum Jacob : quia repléti sunt ut olim, et áugures habuerunt ut Philísthiim, et púeris aliénis adhæserunt.



**R.** Erumpant montes jucunditatem, et colles justitiam : \* Quia lux mundi Dóminus cum potentia venit. **V.** De Sion exíbit lex, et verbum Dómini de Jerúsalem. — Quia.

**Lectio iij.**

**R**epléta est terra argento et auro : et non est finis thesaurorum ejus : et repléta est terra ejus equis : et innumerabiles quadrigæ ejus. Et repléta est terra ejus idólis : opus mánuum suárum adoravérunt, quod fecerunt dígiti eórum. Et incurvavit se homo, et humiliátus est vir : ne ergo dimittas eis.

**R.** Ecce ab Austro vénio ego Dóminus Deus vester, \* Visitáre vos, in pace.

**V.** Aspiciam vos, et crescere fáciam : multiplicabimini, et firmábo pactum meum vobiscum. — Visitáre. **Gloria Patri.** Visitáre.

**V.** Vox clamántis in deserto, Paráte viam Dómini. **R.** Rectas fácite semitas ejus.

**Ad Bened. Aña.** Antequam convenirent, \* inventa est María habens in útero de Spíritu sancto, allelúia.

**V.** Roráte cœli desuper et nubes pluant justum.

**R.** Aperiátur terra, et gérminet Salvatórem.

**Ad Magnif. Aña.** Quærite Dóminum, \* dum inveniri potest : invocáte eum, dum prope est, allelúia.

## FERIA QUARTA.

De Isaia Prophéta.

**Lectio j.****Cap. iij.**

**S**cce enim dominátor Dóminus exercítuum áuferet a Jerúsalem, et a Juda válidum et fortem, omne robur aquæ : fortem, et virum bellatórem, júdicem, et Prophétam, et ariolum, et senem : Principem super quinquaginta, et honorábilem vultu, et consiliárium, et sapiéntem de architéctis, et prudéntem elóquii mystici. Et dabo púeros príncipes eórum, et effemináti dominabúntur eis.

**R.** Rex noster advéniet Christus, \* Quem Joánes prædicávit Agnum esse ventúrum. **V.** Super ipsum continébunt reges os suum, ipsum Gentes deprecabúntur. — Quem.

**Lectio ij.**

**E**t irruet pópulus, vir ad virum, et unusquisque ad próximum suum : tumultuábitur puer contra senem, et ignóbilis contra nóbilem. Apprehéndet enim vir fratrem suum domésticum patris sui : Vestiméntum tibi est, princeps esto noster, ruína autem hæc sub manu tua. Respondébit in die illa, dicens : Non sum médicus, et in domo mea non est panis, neque vestiméntum : nolíte constituere me príncipem pópuli.

**R.** Ante multum tempus prophetávit Ezéchiél : Vidi portam clausam ; ecce Deus ante sæcula ex ea procedébat pro salute mundi : \* Et erat íterum clausa, demónstrans Virginem, quia post partum permánsit virgo. **V.** Porta quam vidísti, Dóminus solus transíbit per illam. — Et erat.

**Lectio iij.**

**R**uit enim Jerúsalem, et Judas cóncidit : quia linguæ eórum et adinventiones eórum contra Dóminum, ut provocárent oculos majestátis ejus. Agnítio vultus eórum respóndit eis, et peccátum

suum quasi Sódoma prædicavérunt, nec abscondérunt : væ animæ eórum, quóniam réddita sunt eis mala. Dícite justo quóniam bene, quóniam fructum adinventionum suárum cómedet. Væ impio in malum : retribútio enim mánuum ejus fiet ei.

**R.** Ecce dies véniunt, dicit Dóminus, et suscitábo David germen justum : et regnabit Rex, et sapiens erit, et fáciet júdicium et justitiam in terra : \* Et hoc est nomen, quod vocábunt eum : \* Dóminus, justus noster. **V.** In diébus illis salvábitur Juda, et Israel habitábit confidénter. — Et hoc. **Gloria Patri.** Dóminus.

**V.** Vox clamántis in deserto, Paráte viam Dómini. **R.** Rectas fácite semitas ejus.

**Ad Bened. Aña.** De Sion \* exíbit lex, et verbum Dómini de Jerúsalem.

**V.** Roráte cœli desuper, et nubes pluant justum. **R.** Aperiátur terra, et gérminet Salvatórem.

**Ad Magnif. Aña.** Véniet \* fórtior me post me, cujus non sum dignus sólvère corrigiam calceamentórum.



## FERIA QUINTA.

De Isaia Propheta.

**Lectio j.****Cap. iv.**

**E**T apprehendent septem mulieres virum unum in die illa, dicentes: Panem nostrum comedemus, et vestimentis nostris operiemur: tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, et gloria, et fructus terrae sublimis, et exultatio his, qui salvati fuerint de Israel. Et erit: Omnis qui relictus fuerit in Sion, et residuus in Jerusalem, sanctus vocabitur, omnis qui scriptus est in vita in Jerusalem.

**℟.** Suscipe verbum. 195.**Lectio ij.****Cap. v.**

**C**antabo dilecto meo canticum patruelis mei vineae suae. Vineae facta est dilecto meo in cornu filio olei. Et sepivit eam, et lapides elegit ex illa, et plantavit eam electam, et aedificavit turrin in medio ejus, et torcular extruxit in ea: et expectavit ut faceret uvas, et fecit labruscas. Nunc ergo habitatores Jerusalem, et viri Juda, iudicate inter

me, et vineam meam. Quid est quod debui ultra facere vineae meae, et non feci ei? an quod expectavi ut faceret uvas, et fecit labruscas? **℟.** Aspiciēbam. 189.

**Lectio iij.**

**E**T nunc ostendam vobis quid ego faciam vineae meae, auferam seminem ejus, et erit in dirptionem: diruam maceriam ejus, et erit in conculationem. Et ponam eam desertam: non putabitur, et non fodiatur: et ascendent vepres et spinnae: et nubibus mandabone pluant super eam imbrem. Vineae enim Domini exercituum domus Israel est: et vir Juda germen ejus delectabile: et expectavi ut faceret iudicium, et ecce iniquitas: et iustitiam, et ecce clamor.

**℟.** Missus est. 190.

**℣.** Vox clamantis in deserto, Parate viam Domini. **℟.** Rectas facite semitas ejus.

**Ad Bened. Aña.** Benedicta \* tu in mulieribus, et benedictus fructus ventris tui.

**℣.** Rorate caeli desuper, et nubes pluant iustum. **℟.** Aperiat terra, et germinet Salvatorem.

**Ad Magnif. Aña.** Expectabo \* Dominum Salvatorem meum, et praestolabor eum, dum prope est, alleluia.

## FERIA SEXTA.

De Isaia Propheta.

**Lectio j.****Cap. vj.**

**I**N anno, quo mortuus est rex Ozias, vidi Dominum sedentem super solium excelsum et elevatum: et ea, quae sub ipso erant, replabant templum. Seraphim stabant super illud: sex alae uni, et sex alteri: duabus velabant faciem ejus, et duabus velabant pedes ejus, et duabus volabant. Et clamabant alter ad alterum, et dicebant: Sanctus, sanctus, Dominus Deus exercituum, plena est omnis terra gloria ejus.

**℟.** Ave Maria. 190.**Lectio ij.**

**E**T commota sunt superliminaria cardinum a voce clamantis, et domus replata est fumo. Et dixi: Vae mihi, quia tacui, quia vir pollutus labiis ego sum, et in medio populi polluta labia habentis ego habito, et Re-

gem Dominum exercituum vidi oculis meis. Et volavit ad me unus de Seraphim, et in manu ejus calculus, quem forcipe tulerat de altari. Et tetigit os meum, et dixi: Ecce tetigit hoc labia tua, et auferetur iniquitas tua, et peccatum tuum mundabitur.

**℟.** Salvatorem. 191.**Lectio iij.**

**E**T audiui vocem Domini dicentis: Quem mittam? et quis ibit nobis? Et dixi: Ecce ego, mitte me. Et dixit: Vade, et dices populo huic: Audite audientes, et nolite intelligere: et videte visionem, et nolite cognoscere. Excaca cor populi hujus, et aures ejus aggrava, et oculos ejus claude: ne forte videat oculis suis, et auribus suis audiat, et corde suo intelligat, et convertatur, et sanem eum.

**℟.** Obsecro Domine. 191.**℣.** Vox clamantis.

**Ad Benedictus, Aña.** Ecce veniet \* Deus et homo de domo David sedere in throno, alleluia.

**℣.** Rorate caeli.

**Ad Magnificat, Aña.** Ex Aegypto \* vocavi Filium meum: veniet, ut salvet populum suum.